



## SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2006. GODINU **HRVATSKE STRANKE PRAVA**

Broj: 09-07-6- 1100/07  
Sarajevo, 03.04. 2008. godine

## **SADRŽAJ :**

|   |   |
|---|---|
| MIŠLJENJE REVIZORA                          | 3 |
| 1.UVOD                                      | 4 |
| 2.PREDSTAVLJANJE POLITIČKE STRANKE          | 4 |
| 3.OPIS PREGLEDA I KANCELARIJSKE REVIZIJE    | 5 |
| Predmet kancelarijske revizije              | 5 |
| Cilj kancelarijske revizije                 | 5 |
| Obim kancelarijske revizije                 | 5 |
| 4.PREDHODNE REVIZIJE                        | 5 |
| 5.NALAZI KANCELARIJSKE REVIZIJE I PREPORUKE |   |
| 5   |   |
| 5,1.NALAZI                                  | 5 |
| 5.2.PREPORUKE                               | 6 |
| KOMENTAR                                    | 6 |

## **MIŠLJENJE REVIZORA**

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju finansijskih izvještaja Hrvatske stranke prava i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i članom 15.10 Izbornog zakona BiH i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg i postizbornog finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Na osnovu našeg pregleda utvrđeno je sljedeće:

- 1. Na osnovu obavljenog pregleda i kancelarijske revizije finansijskog izvještaja i dodatne finansijske dokumentacije utvrđeno je da je stranka prekršila odredbe člana 8. stav 1. Zakona o finansiranju političkih stranaka.**
- 2. Na osnovu obavljene kancelarijske revizije godišnjeg finansijskog izvještaja utvrđeno je da je Hrvatska stranka prava prekršila odredbe člana 11. stav 3. Zakona o finansiranju političkih stranaka.**

Na osnovu našeg pregleda, odnosno kancelarijske revizije finansijskog izvještaja, osim gornjih napomena pod 1. i 2. nismo zapazili ništa značajno što bi ukazalo na druge nedostatke u izvještaju ili finansiranju ove političke stranke.

## 1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju finansijskih izvještaja **Hrvatske stranke prava** i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05, od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja politička stranka Hrvatska stranka prava je iskazala prihode u iznosu od 42.634,12 KM, čija struktura je data u sljedećoj tabeli:

| Red.br. | Vrsta prihoda          | Iznos u KM | Učešće u ukupnom prihodu % |
|---------|------------------------|------------|----------------------------|
| 1       | Članarina              | 0          | 0%                         |
| 2       | Prilozi fizičkih lica  | 0          | 0%                         |
| 3       | Prilozi pravnih lica   | 0          | 0%                         |
| 4       | Prihodi od imovine     | 0          | 0%                         |
| 5       | Prihodi od pr.lica     | 0          | 0%                         |
| 6       | Prihodi od poklona     | 0          | 0%                         |
| 7       | Prihodi iz budžeta     | 42.634     | 10000%                     |
|         | <b>Ukupni prihodi:</b> | 42.634     | 10000%                     |

U godišnjem finansijskom izvještaju politička stranka Hrvatska stranka prava je iskazala ukupne rashode u iznosu 42.038,96 KM.

## 2. PREDSTAVLJANJE POLITIČKE STRANKE

Naziv političke stranke: Hrvatska stranka prava. Skraćeni naziv je HSP.

Politička stranka Hrvatska stranka prava je registrovana 20.10.1999. godine kod Županijskog suda u Širokom Brijegu pod brojem R 14/98.

Sjedište političke stranke je u Ljubuškom, Fra Petra Bakule bb.

Za zastupanje stranke ovlaštene su Zdravko Hrčić, predsjednik. Osoba ovlaštena za podnošenje finansijskih izvještaja za 2006. godinu je Zdravko Hrčić.

Organizacionu strukturu stranke čini središnjica Ljubuški. Hrvatska stranka prava nema nižih organizacionih dijelova.

## 3. OPIS PREGLEDA I KANCELARIJSKE REVIZIJE

**Predmet kancelarijske revizije je** godišnji finansijski izvještaj političke stranke Hrvatske stranke prava za 2006. godinu i finansijski izvještaj za period od dana podnošenja prijave za ovjeru za izbore do dana ovjere rezultata opštih izbora održanih u oktobru 2006. godine.

**Cilj kancelarijske revizije je** da revizor na bazi finansijskog izvještaja pokuša da ustanovi da li je Hrvatska stranka prava u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih .

**Obim kancelarijske revizije** finansijskih izvještaja Hrvatske stranke prava obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta, priloge fizičkih i pravnih lica i troškove predizborne kampanje.

## 4. PRETHODNE REVIZIJE

Izvršen je pregled godišnjeg finansijskog izvještaja Hrvatske stranke prava za 2005. godinu i izdat je izvještaj o pregledu sa mišljenjem revizora, nalazima i preporukom revizije da stranka treba da postupa u skladu sa odredbama člana 11. stav 3. Zakona o finansiranju političkih stranaka.

Izvještaj je stranci dostavljen, nakon što je politička stranka Centralnoj izbornoj komisiji BiH podnijela godišnji finansijski izvještaj za 2006. godinu.

## 5. NALAZI KANCELARIJSKE REVIZIJE I PREPORUKE

### 5.1. NALAZI

- a) **Na osnovu obavljenog pregleda i kancelarijske revizije finansijskog izvještaja i dodatne finansijske dokumentacije utvrđeno je da je stranka prekršila odredbe člana 8. stav 1. Zakona o finansiranju političkih stranaka.<sup>1</sup>**

Pregledom finansijskog izvještaja za 2006. godinu i dodatne dokumentacije utvrđeno je da Hrvatska stranka prava bez naknade koristila poslovne prostorije koje su vlasništvo Općine Ljubuški.

- b) **Na osnovu obavljenog pregleda i kancelarijske revizije finansijskih izvještaja utvrđeno je da je postupala suprotno odredbama člana 11. stav 3. Zakona o finansiranju političkih stranaka.<sup>2</sup>**

Obrasci finansijskog izvještaja nisu popunjeni u skladu sa Pravilnikom o godišnjim finansijskim izvještajima političkih stranaka („Službeni glasnik BiH“ broj 61/06).

### Troškovi predizborne kampanje

Hrvatska stranka prava je postupila u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 18.000,00 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM<sup>3</sup> po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije Hrvatska stranka prava je mogla potrošiti 264.683,33 KM.

### 5.2. PREPORUKE :

---

<sup>1</sup>Državni, entitetski i kantonalni organi, organi opštinskih i mjesnih zajednica, javne institucije, javna preduzeća, humanitarne organizacije, preduzeća koja su po svojoj djelatnosti isključivo neprofitna, vjerske zajednice, kao i privredna udruženja u kojima uloženi javni kapital iznosi najmanje 25% ne mogu da finansiraju političke partije.

<sup>2</sup>Politička stranka je obavezna da Centralnoj izbornoj komisiji Bosne i Hercegovine podnosi finansijske izvještaje na obrascima koje je odobrila CIK BiH.

<sup>3</sup> Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

*Na osnovu uočenih nedostataka preporučuje se Hrvatskoj stranci prava:*

- *da postupa u skladu sa odredbama člana 8. stav 1. i 11. stav 3. Zakona o finansiranju političkih stranaka.*

**KOMENTAR:**

U ostavljenom roku, Hrvatska stranka prava se nije očitovala na Preliminarni izvještaj o reviziji godišnjih finansijskih izvještaja za 2006. godinu.

Hasida Gušić, šef Službe

Andan Nevenko, revizor

Anela Burdžović-Kapić, pomoćnik revizora